

**NICOLAI STENONIS
AD VIRUM
ERUDITUM, CUM
QUO IN VNITATE
S.R.E. DESIDERAT...**

Niels Steensen





1007. 25

NICOLAI STENONIS

Ex pluribus ad

IOHANNEM SYLVIVM

Caluini dogmata Amstelodami docentem ante quin-
quennium, & quod excedit scripsi
binæ Epistolæ,

Altera de propria conuersione,

Altera de infelici ipsius Syluij ad geminam ipsi pro-
positum Syllogismum responso.



XXXIV
STEN



FLORENTIÆ,

Ex Typographia Ioannis Gugliantini. 1677.

Superiorum permisso.

NICOLA STENONIS

Ex libris

JOHANNES STELLA

Calculus logarithmicus Aristotelis locutionis
quatuor. & quod vocatur
pneuma

Calculus de rebus

Altera de iustitia
pneuma



1007.25

FLORENTIA

Ex Libris
pneuma

De propria conuersione Epistola.



ON Turbat aliorum quietem, qui veram illis quietem à Deo impetrare studet, quo conatu nihil nec Deo gratius nec conanti vtilius. Sed nec meam quietem turbare valeant multa illa, iudicio mundi, satis aspera, quæ tuis interspergis, cum nihil mihi acceptius esse debeat, quam pro nomine Iesu quædam pati, non omnino dissimilia grauissimis illis, quæ pro mea ille omniumq; salute sibi exprobrari audiuit.

Cum autem videam te conuersionis meæ argumenta desiderare, licet optassem etiam modum totum tibi perscribere, quia tamen tabellarij instans digressus prolixiora non admittit accipere breui compendio quicquid Deo placuerit mihi in mentem reuocare. Sæpius plurium annorum intervallo mihi talia non querenti, quin potius declinanti, de religione varia differebant Catholici, quibus me acriter vbique opposui, quamdiu versionem scripturæ à Luthe- ro propositam, & eiusdem institutiones catecheticas pro puro, & incorrupto Dei Verbo habebam. Et licet vltimis meæ cecitatis an- nis philosophiæ Cartesianæ studium, & reliquorum in Belgio ad scripturæ suas prouocantium multiplicitas atque dissidium, mo- dusque multorum viuendi politicus, vt dicitur, præiudicij illius vires sensim debilitarent, patris tamen institutis semper in hæsi, non tam quod pristinam de illis fidei persuasionem in me depre- henderem, quam quod studia naturalia, & peregrinatio sem- per inde me ad alias occupationes auerterent. Non dicam mo- do quibus me medijs Deus à Cartesianæ philosophiæ periculo libe- raui, quibus argumentis me etiamnum errores meos amantem de sua prouidentia contra vitiosam politicorum prudentiam securum esse voluit, quibus deniq; me modis docuit, non semper in oculis Dei reum esse, quem hominum iudicia condemnant, ad rumores hominum tanto facilius spernendos. Quæ omnia media erant, qui- bus me Deus vt vt reluctantem ad se inuitauit. Multum apud me valuit vita quorundam amicorum Catholicorum, cui similem nec philosophi promittunt, nec apud amicos aliarum religionum obserua- ueram; & iam tum agnoueram, quando de veritate doctrinæ agi- tur, ad hominum eandem doctrinam profitentium, vel ignoran-

tiam, vel malitiam non esse attendendum; Serium tamen religionis examen mihi nondum permittebat rerum naturalium studium, cui totum me immerferam, donec diuina misericordia hac me via à reliquis studijs ad studium salutis inopinato pertraxit. De religione varia mihi disseruerat vitæ sanctimonia conspicua Nobilis Matrona, cui quærenti an se sentirem quoddam in me religionis Catholicæ, vel leue desiderium? Respondi; me quidem in Catholicis multa obseruasse, quæ non mihi displicebant, & in Lutheranis quædam notasse, quæ non placebant, nihil tamen hæcenus vidisse, quod cogeret ad recedendum à religione, cui me natiuitas, & patria obstrinxerant. Ad quæ verba magno, & verè christiano zelo impulsâ illa Dei ancilla exclamauit; () si sanguis meus sufficeret ad necessitatem illam tibi demonstrandam, testor Deum, me vel hoc momento vitam pro tua salute daturam. Com notus hoc non expectato Christianæ charitatis argumento respondi, me necdum similem Dei, & proximi amorem in vilo obseruasse, imo agnoscere me quod hæcenus alijs studijs maiori cum attentione insudauerim, quam salutis propriæ, & spondere ex hoc momento serium religionis examen. Quo fine illicò ab amicis petitos libros non catholicos modò, sed & alios, vt Centuriatores Magdeburgenses, aliosq; varios serio legendos suscepi, singulis diebus matutinas horas fere omnes illi inquisitioni impendens. Et licet illicò rationes mox subiiciendæ mihi sese offerrent, tantis tamen tamq; varijs sollicitudinibus distrahebatur animus, cætenis tenebrarum implicatus, vt sui quasi impes infelicitatis suæ terminum non inueniret, donec felto omnium piè defunctorum circa vesperam tot simul, & argumenta concurrerent, & circumstantiæ, vt tandem manifesto agnoscens me præhensis manibus à Deo ad Ecclesiam suam perductum, confiteri teneret, *Dirupisti vincula mea Domine.*

Argumenta autem, quæ maxime me vrgebant tunc temporis, erant sequentia.

Exitisse aliquando in Ecclesia Romana veram Christi Ecclesiam extra controuersiam est, nec inficiari licet, habuisse maiores nostros cum Gentiles essent, à Romanis, & doctrinam fidei, & doctores, adeoque obedientiæ, & fidelitatis iuramentum Pontifici Romano præstitisse, quo illos iuramento abiq; diuina autoritate nemo soluere poterat. Fatentur insuper omnes ad Lutheri vsq; tempora cum spe vitæ æternæ mortuos, qui in Ecclesia Romana piè moriebantur. At subortis inde cum Luthero varijs reformatoribus inter se inuicem pugnantibus, quæritur an in Ecclesia Romana, an vero in quadam reformatorum Ecclesia, vera Christi Ecclesia reperienda? Sa-

ne vt omnes reformationes promiscuè admittendas nemo dixerit, quod Spiritus veritatis contrariarum Ecclesiarum, autor esse non possit, sic quānam reliquis præferenda sit, nemo inuenit cum nulli in vlla characteres extent probantes potius vnam quam alteram pro diuina habendam, quod doctrinæ puritatem omnes iacent, omnes ad Scripturas Sacras prouocent, Ecclesiamq; suam omnes Apostolicam dicant. Si à quolibet Scripturarum suarum autoritatem exigis ratione traditionis, nullos alios sibi eas porrigentes asferre possunt, quam quos ipsi damnant; Si versionum varietatem legitimam probandam urges, nihil habent, quod asferant, præter autores reformationum; Si quæris vnde doctrinæ Catechetica, & Sacramentorum praxis in qualibet Ecclesia? Licet omnes Apostolica sua esse dicant, nemo tamen vllam, non dico Ecclesiam, sed ne vllum quidem hominem nominare poterit, vnde suæ reformationis autor illam Sacramentorum praxim illamq; doctrinam Catechetica accepit, quæ in ista Societate pro Apostolicis habentur: Tandemq; aliud nihil asferunt nisi illud omnibus com mune: *Scripturas lege, & nos veros agnosces*, & sic omnia reducuntur ad hanc vnicam quæstionem; Inter varias locorum indeterminatorum in Scriptura determinationes, quānam pro diuina habenda, Lutheri ne, an Caluini, alteriusue reformationum autoris, vel mea, an vero illa quam maiores nostri pro diuina habuerunt ante Lutheri tempora, utpote tot SS. Patrum testimonijs, tot Martyrum sanguine confirmatam idque in Ecclesia, per quam Deus eisdem maiores nostros à Paganismo ad Euangelium conuertit?

His ego omnibus excussis conclusi nullum è reformatoribus sequendum esse, cum eorum nemo diuinam reformationis suæ autoritatem asferre possit, nec vllus eorundem habeat, quo reliquis veriore se probet; ad eam verò Ecclesiam redeundum esse, cui maiores nostri conuersionem suam debent, à qua reliquæ omnes Ecclesiæ exierunt, quæ sola sese Apostolicam probat, alijsque characteribus fulget Dei præsentiam supernaturalem arguentibus, in qua ego Ecclesia iam tum illa sanctitatis argumenta videram, quæ in nulla aliarum Ecclesiarum promittuntur, ne dum repèiuntur. Possem multa referre tum circa controuersias particulares, tum circa variorum exhortationes quolibet argumento validiores, sed ex generalibus superius dicta demonstratiua sunt ratione falsitatis aliorum, vt vt probabilia tantum sint ratione veritatis Catholica; cum illis ego tantum moralem certitudinem adscribam, diuinam certitudinem gratiæ diuinæ totam acceptam ferens, quæ eodem tempore adeo abundanter me beauit, vt interni gaudij externa signa am-

cis patuerint. Sed diuina certitudo nemini nisi eam experiēti demonstrari potest; De argumentis autem certitudinis moralis inter nos disleritur, qualia nobis esse plurima ostendimus, vobis autem nulla, imò vestris vos contradictionibus demonstratiua certitudine falsos conuincimus.

Sit in aeternam benedictum nomen Domini, qui à tenebris in lucem à morte in vitam me reuocauit ille tibi communibusque nostris amicis imò omnibus hominibus largiatur veram in veræ Ecclesiæ gremio animæ tranquillitatem.

De infelici Siluij responso ad duos ipsi propositos syllogismos unum contra credentem S. Script. alterum contra negantem eam. Epistola.

Contra admit-
tentem
S. Script.
Valis causa, quæ tali defensione indiget? Primus meus hic est Syllogismus.
Quæ Ecclesia talis est, est vera (ex verbo Dei.)
Romana hodierna est talis (ex statu præsentis, & historia temporum.)

Hic, quæ ego parenthesi incluieram, animo indicandi maiorem propositionem desumptam esse ex Sacra Scriptura; minorem autem ex statu præsentis, & historia temporum, tu ipsis propositionibus inferis, & has inde formas propositiones.

Quæ talis est qualem status præsens, & historia temporum dicit, est vera.

Quæ talis est, qualem verbum Dei, & status præsens cum historia temporum describit, est vera.

Alter meus Syllogismus ita proponitur.

Contra negantē
S. Script.
Vbi tales characteres reperiuntur, Deus modo quodam adest, quo alibi in natura non deprehenditur (ex natura.)
In sola Romana tales characteres reperiuntur (ex statu præsentis, & historia temporum.)

Hic dicis me idem probare per idem, ac si signatum esset idem cum signo, & præsentia Dei non ordinaria idem cum signis talem præsentiam arguentibus; sed & quæris, cur non dixerim liberè, Quæ talis est qualem natura requirit, est vera Ecclesia. Si hoc est Dei gloriam seriò quærere, iudicet, qui Deum timet.

Quater in prioribus meis dixeram requiri præter naturalem assensum etiam, & quidem præcipuè assensum supernaturalem à Diuina locutione, & motione diuina petendum ut ad pos. I. ad quest.

1. 2. & 3. & tamen pleraque tua eo tendunt ac si dixissem præter naturalem assensum nihil requiri. Sed & frequenter me culpas, quod ubi quæritur, utri secundum Romanos S; ut alibi ais, iuxta tenorem Ecclesiæ Romanæ creditur, ego respondeam iuxta tenorem Ecclesiæ Romanæ, & fluctuantis responsionem à me exigis, scilicet, ut dubitans dicat, cur non dubitat; Nondum credens cui & cur credat.

Taceo reliqua, quæ quidem plurima sed simul adeo leuia sunt, ut ea repetisse esset refutasse, iterumque tibi ingemino.

Qualis est illa causa, quæ tali eget defensione? Si credis vel à prolixitate tadium, vel à verborum asperitate indignationem mihi mouendam, falleris; Dei causam amore Dei ago, & confido te olim hunc meum tractandi modum vero amore excepturum. Deus mentem tuam illuminet, atque voluntatem moueat, ut inter nos acta attentè examinans agnoscas, omnia externa media ad fidem insinuandam sufficientia tibi à Deo præposita esse, quibus interius cooperans Spiritus conscientia stimulos sine dubio tibi sæpius ad-mouit. Site ulterius resistentem exhibueris, caue ne sero nimis auribus tuis insonans illud D. Stephani: *vos semper resistitis Spiritui Sancto*: pro fide desperationem producat. Quo autem clarius mentem nostram percipias, non recuso eam iterum compendio repetisse.

Homo nec credenda intelligit sine diuino lumine, nec intellecta credit sine diuino impulsu, nec credita operatur sine diuino con-^{* Subiu} cursu * res autem hæ intelligendæ, credendæ, operandæ aliquo di spe- modo illi proponi debent, scilicet vel à Deo immediate vel à Deo ciati. mediante vmana voce aut scriptura. Dicimus itaque nos Deo credere exterius quidem per Ecclesiæ visibilia membra nobis loquenti, interius vero per suum Spiritum illuminanti intellectum, mouenti voluntatem, & operationes omnes bonas præuenienti, concomitanti, perficienti, si vero fluctuans quærit, cur potius credendum loqui Deum per membra Ecclesiæ Romanæ, quam per membra Ecclesiæ à Caluino aut alio congregatæ, damus illi argumenta falsitatem reliquorū demonstrantia, veritatem nostram probabilem tantum reddentia * ex communi principio deducta, ita ut pruden^{* Suban} ter dubitare non possit sed cum his argumentis non possumus illi si di preci dem dare seu certitudinem diuinam, quam precibus à Deo expeten- sis prin- dam dicimus. Sic tibi ego in tuis contradictiones ostendi, argu- cipijs re- menta te tibi suspectum redditura proposui, tuum diuina tractan- uelatis. di modum indicaui: Si ulterius tuis credideris, contra conscien- tiam agis, sin veram fidem desideras, à falsis cognitis recedito, ar- gu.

gumenta veritatis nostræ sine contradicendi studio examinato, & implorato Dei gratiam, quæ pulsanti aperiet, & petenti omnia dabit, quam tibi felicitatem ex animo precor.

Vale.

Reuerendiss. P. D.

Epistolas hæc doctrina, pietate, & zelo alijs eiusdem Autoris consimiles legi, typisque dignas censeo.

Augustinus Coltell. S. Off. Consul. & librorum Censor.

Perlectis olim alijs, & iterum nunc his duobus Epistolis, idem de iisdem ac D. meus Augustinus Cultellinus fero iudicium; & vt nedum priuatim Amico, cui sunt inscriptæ, seu & publice cæteris eiusdem Affeclis veræ Religionis lumen ingerant, publica luce dignas existimo.

D. Ioseph Maria Ambrogio C. Reg. S. Off. Conl.

Attenta superscriptæ attestazione.

Imprimatur.

F. Franciscus Panzarosa Vic. Gen. S. Off. Flor.

Imprimatur.

Alex. Puccius Vic. Gen. Flor.

Matthens de Mercatis Aduocatus pro Sereniss. Magno Duc. Etrur.

MC

